

Կ. ՊՈԼՍԻ «ԱՍԻԱ» ԹԵՐԹՐ

Կ. Ա. ՄԱԿՈՅԱՆ

1872—1874 թթ. Կ. Պոլսում լույս է տեսել «Ասիա» եռօրյա թերթը՝ քառածալ, 8 փոքրադիր էջերով։ Այն սկզբում ունեցել է կղերա-պաշտանողական ուղղություն, ուստի անողոր ծաղրի է ենթարկվել այդ տարիներին Հակոբ Պարոնյանի խմբագրությամբ լույս տեսնող «Մեղու» ղեմակրատական երգիծաթերթի կողմից։ Նրա գոյության վերջին տասնմեկ ամսում խմբագրի պաշտոնը ստանձնել է 26-ամյա երիտասարդ հրապարակախոս Մկրտիչ Փորթուզալյանը, որն արմատական փոփոխություն է մտցրել թերթում, այն դարձնելով ղեմակրատական օրդան։

Թերթի առաջին համարը՝ «Ասիա—թարգման հայերենյաց» անունով լույս է տեսել 1872 թ. հոկտեմբերի 7-ին։ Նրա տնօրեն-խմբագիրը թուրքական տպագրական տեսչության պաշտոնյա Հովակիմ Բեխյանն էր, որը «բժշկի պես բան մըն էր», ինչպես գրում է Արմիար Արմիարյանը։ Հայկական մյուս թերթերի օրինակով այստեղ էլ նյութերը տպագրվում էին հայերեն և հայատառ թուրքերեն։

Առաջին համարի թուրքերեն խմբագրականում Բեխյանը հորդոր էր կարգում հայերին՝ ամուր կառչել հայրենի հողին, երբեք չլքել այն. պանդխտելը, օտարության մեջ մշակի և սպասավորի պաշտոններ վարելը անվայել բան է հայ մարդու համար։ «Ազատություն կարծյաց» հայերեն հոդվածում այն միտքն էր զարգացնում, թե ընդունելի, ըղձալի բան է կարծիքների ազատությունը, բայց հայերը սխալ են ըմբռնում դրա իմաստը. վատ են անում, երբ առաջնորդվելով մերժելի սկզբունքներով՝ իրենց դպրոցներում օտար երեխաներ են ընդունում, ավելի վատ՝ «երբ օտար դաստիարակներու կհանձնվին մեր զավակունք»։ Շուտով Բեխյանը ավելի է պարզում իր միտքը. բանից դուրս է գալիս, որ «օտար» բառի տակ պետք է հասկանալ կաթոլիկ հայերին։ Նա շարունակում է. «Մեր վարժարաններու մեջ հոռմեական վարդապետներ իբրև հայկաբանության դասատու կընդունվին. նոցա դպրոցներուն մեջ մեր մեկ հայը զեթ տնտեսի պաշտոնով շրնդունվիր»։

Ի լրումն այս ամենի, Հ. Բեխյանը թերթի էջերը լցնում էր Աստվածաշնչից կատարված թարգմանություններով, և այդ այն ժամանակ, երբ մյուս հայ թերթերը արդեն վաղուց հրաժարվել էին այդ թեմաներից։

Լրագրի ընդհանուր բարոյախոսական տոնը, ազդի ներկայի և ապագայի մասին տարտամ դատողությունները, խիստ պաշտանողական կեցվածքը քննադատվում էին ժամանակի հայկական մամուլի կողմից։ «Մեղուն» ծաղրում էր թերթի յուրաքանչյուր համարը, նշելով, որ այն ոչ միայն սկզբունք, այլև՝ ղեմք չունի։ «Մասիսը» ցույց էր տալիս խմբագրի տգիտությունը, Աստվածաշնչից կատարված թարգմանությունների պարունակած աղավաղումները, մամուլի միջոցով կրոնի պրոպագանդան անմտությունը։

խմբադիրը, օգտվելով տպագրական աւելանալիքով իր ունեցած դիրքից, կարողանում էր ընդգրկման հետքեր, երբեմն կծու պատասխաններ տալ իր բնագործներին, սակայն շուտով համոզվում է, որ ինքը նոր բան չունի ասելու և հեռանում է ասպարեզից: 1873 թ. մարտի 17-ի 24-րդ համարում նա ազդարարում է. «Նկատելով, որ մեր անձնական պաշտոնավարության ծանր զբաղմունքները այլևս չպիտի ներեն մեզ մեր թերթին խմբագրությունը շարունակել, պարտավորեցանք այսուհետև խմբագրությունը ամբողջապես հաջորդ 25-րդ թիվն սկսյալ մեր վաղեմի բարեկամներին՝ մեծ. Խանճյան Էֆենտին հանձնել, որոնք զրական արժանիքն ու ազդասիրական ոգին ի մոտո ճանչնալով, վստահ ենք, որ համենայնի մեր ընթերցասեր հասարակության ընդհանուր գոհունակության և համակրանաց պիտի արժանանա»:

Հակոբ Խանճյանը թերթը խմբագրել է 1873 թ. մարտի 20-ից մինչև նույն տարվա նոյեմբերի վերջը. մեր հաշվով հրատարակել է մոտավորապես 44 համար. որոնք առաջին հաշվական մատենագրարաններում չեն հայտնաբերվել: «Ասիայի» այդ համարները ևս դարձել են Հ. Պարոնյանի «Մեղու» երգիծաթերթի ծագրի մշտական առարկան: Նա ամեն առիթով ցույց է տալիս «Ասիայի» որևէ սխալը, հակասական մտքերը, դործունեության որոշակի ծրագրի, սկզբունքի բացակայությունը: Բեխյանից եկող այն տեսակետը, թե հայկական դպրոցներում չի բարոգվում ազգային ավանդությունների պահպանման գաղափարը, Խանճյանը զարգացնում է իր «Ազգային դպրոցաց վնասակարությունը» արտահայտությունը կրող խմբագրականում, որը Պարոնյանը համարում է տրամաբանությունից զուրկ թոթովանք և եզրակացնում, որ խմբագիրը «չուր միտքը հասկցնելու անընդունակ է»: Մի այլ դեպքում երգիծաբանը հեղինակում է խոստովանություն Խանճյանի այն համոզման մասին, թե «հիվանդ մը կամ դարմանելու է կամ մեռնելու»: Այդ առթիվ նա գրում է. «Եթե այս կարծիքը հիվանդ լրագրաց համար ալ բավեր, «Ասիա» մեկ ժամ ապրեցնելը մահացու մեղք պիտի ըլլար, որովհետև բժշկելու բնավ հույս չկա, մանավանդ այս կարծիքը հայտնեկեն հետո»:

Իր երգիծաթերթի «Ապտակներ» բաժնում Պարոնյանը ցույց է տալիս, որ թերթի լեզուն անմշակ է, ազդակող սխալներ կան թարգմանությունների մեջ, «տասը տողի մեջ հինգ հակասություն կիյնա». «Զկա «Ասիա» մը, որուն մեջ կամ հակասություն, կամ հետ կոչում չըլլա»². «Եթե լրագրին վրա գրված թվականը 1860 ըլլար, իր հոգվածները ավելի մեծ ընդունելություն կգտնեին... Եթե խմբագիրն հանցանք մ'ունի՝ ան ալ ուշ ծնած ըլլայն է»³:

Խանճյանը ևս շուտով հեռանում է լրագրական ասպարեզից: Այդ առթիվ արտոնատեր Բեխյանն ազդարարում է. «Խանճյան Հակոբ Էֆենտին «Ասիայի» խմբագրությունն հրաժարած ըլլալով, սույն պաշտոնը Փորթուղայան Մկրտիչ Էֆենտին հանձնեցինք՝ թերթին վերաբերյալ նյութական և բարոյական բոլոր պատասխանատվությամբ հանդերձ»:

1873 թ. դեկտեմբերի 1-ից թերթն սկսում է հրատարակվել Մ. Փորթուղայանի խմբագրությամբ՝ «Ասիա—ձայն Հայաստանի» խորագրով, նոր հա-

1 Հ. Պարոնյան, Երկեր, հատ. 7, էջ 72:

2 Նույն տեղում, էջ 68:

3 Նույն տեղում:

4 «Ասիա—ձայն Հայաստանի», 1873, № 1:

մարակալումով (№ 1) և «Հրատարակության Ա շրջան» հավելումով: Սկզբում լույս է տեսնում երեք օրը մեկ անգամ, իսկ 1874 թ. մայիսի 15 (27)-ից դառնում է օրաթերթ: Իր դեմոկրատական ուղղության պատճառով թերթը խափանվում է Պատրիարքարանի պահանջով նույն տարվա հոկտեմբերի 21-ին, գոյատևելով ընդամենը 11 ամիս (140 համար):

Սնցյալ դարի 70-ական թթ. Պոլսում լույս տեսնող պարբերականներից Մ. Փորթուղալյանի ահա այս «Ասիան» իր պատվալուր տեղն ունի հայ մամուլի պատմության մեջ: Արտիար Արտիարյանը այդ տասնամյակի գրական կյանքը բնութագրելիս ընդգծում է թերթի մարտական բնույթը: «Ասիան»,— գրում է նա,— երբեմն երբեմն կարգալու առիթը կունենայի: Ոչ «Մասիսին» ծանրությունը կգտնեի հոն, ոչ «Օրագրին» հանդգնությունը. գրական հրապույր մըն ալ չուներ, բայց չեմ գիտեր ինչ շեշտ մը կար, որ կբաշեր զիս: Կզգայի, թե խմբագիրը ինձի անձանոթ աղնիվ հայ մը ըլլալու է, խռովյալ սրտի մը աղաղակը կը լսեի»⁵: Այս խոսքերը Ա. Արտիարյանը գրել է Փորթուղալյանի «Ասիան» փակվելուց 26 տարի հետո, երբ արդեն մոտիկից շփվել էր Փորթուղալյանի հետ, զգացել, որ այդ փոքրամարմին, առերևույթ համեստ մարդը «Երկաթի պես ամուր, հստակ համոզումներու, որոշ գաղափարներու» տեր անձ է, փստոսացել է, որ ժամանակին չի հետևել նրա լրագրական առաջին բալլերին, ուստի նշել է, որ անշափ կարևոր է Փորթուղալյանի այդ շրջանի գործունեության վերականգնումը: «Այս խնդիրներու վրա ձեռնհասությամբ գրելու վիճակի մեջ չեմ,— գրել է նա,— և կփափարիմ, որ պ. Փորթուղալյան քիչ մը հանգիստ երբ առնե, ինք ծանոթացնե իր հիշատակները»⁶: Հրապարակախոս և հասարակական գործիչ Մ. Փորթուղալյանը, ձիշտ է, հետադայում գրեց հուշեր իր կյանքի և ալրած պատմաշրջանի բոլոր նշանակալից զեպրերի վերլուծությամբ: Բայց նրա ավելի քան կեսդարյա գրական-հասարակական գործունեության մեջ մեկ տարին քիչ նստվածք էր տվել. «Ասիայի» շրջանի մասին գրեց ընդամենը մի պարբերություն:

Այժմ՝ հարյուր տարի անց, հիմնվելով թերթի 140 համարների, ինչպես նաև ժամանակակից մամուլի ու գործիչների վկայությունների վրա, հնարավոր է միայն ընդհանուր գծերով վերականգնել թերթի գործունեության պատկերը:

Ի՞նչ նորություն էր իր հետ բերում երիտասարդ խմբագիրը: Հասարակությանը հուզող ի՞նչ հարցեր էր արժարժում իր խմբագրականներում: Նոր չէին Փորթուղալյանի բարձրացրած հարցերը՝ Ազգային սահմանադրություն, Ազգային ժողով, Պատրիարքարան, ամիրայություն, երեսփոխանություն, դպրոց, կենդեցի, մի խոսքով՝ բոլոր այն հարցերը, որոնք զբաղեցնում էին մամուլի մնացած օրգաններին, ինչպես և հին «Ասիային»: Նոր էր, սակայն, հարցերի բնագավառը: Նա գրում էր ժողովրդի անունից, հանդես էր գալիս նրա շահերի պաշտպանությամբ: Առաջին օրվանից նա հակադրվում է «Օրագրին», «Մամուլին», «Փունջին», մատնացույց անում նրանց անսկզբունքայնությունը, տիրասիրությունը, «Մասիսին» քննադատում է լիբերալ հա-

⁵ «Նոր կյանք», Լոնդոն, 1900, էջ 260:

⁶ Նույն տեղում:

յաղքների համար, ձայնակցում է «Մեղուն», ինչ որ թիկունք տալիս նրան: Այստեղ էլ արդեն զգացվում է թերթի արտոնատեր Բեխյանի և նրա խմբագիր Փորթուգալյանի հայացքների հակադրությունը: Առաջինի համակրությունը վայելող թերթերը դառնում են երկրորդի հարձակումների թիրախը, առաջինի ատելի թերթերը և առաջին հերթին «Մեղուն» բարձր գնահատական է ստանում խմբագրի կողմից: Այս հոդի վրա Բեխյանը թերթում հանդես է գալիս հայտարարությամբ, որ թերթի պարունակությունը «իրեն չի վերաբերում», որ ինքը չի կարող պատասխանատու համարվել խմբագրի գաղափարին կամ որևիցե գրություն»:

Փորթուգալյանի օրով արմատապես փոխվում է թերթի լեզուն և ուղղությունը. երբեմնի «Մեղուն» անողոր ծաղրի առարկա «Ասիան» դառնում է Հ. Պարոնյանի հուսալի զինակիցը: Առաջին իսկ խմբագրականում Փորթուգալյանը հայտնում է իր վճիռը՝ ներքին և արտաքին լրատվությունից բացի տպագրել «ազգի մտավոր և բարոյական զարգացմանը նպաստող» հոդվածներ, հեռու մնալ «ունայն և տաղտուկ» վիճաբանություններից, որոնցով լի էին պոլսահայ թերթերը, իրեն առաջնորդ ունենալ ժողովրդի շահը, ձայն բարձրացնել և բողոքել «ղեղծմանց» և ազգային հիմնարկների ու պաշտոնատար անձանց՝ ժողովրդի շահերին վնասող արարքների դեմ:

Մ. Փորթուգալյանը «Ազգային սահմանադրությունը» համարում էր հասարակ ժողովրդի մի փոքրիկ հաղթանակը ամիրայության նկատմամբ և պայքարի էր մտնում՝ այն ժողովրդի շահերին ծառայեցնելու համար: «Սահմանադրությունը իր արդի ամուլ վիճակին մեջ ոմանց շատ հարմար կուզա եղեր, որ լաստիքի պես բաշկոտեն զայն և ուղածնուն պես խաղան անոր հետ»: Ուստի նա լուրջ կերպով դնում է Ազգային ժողովի, վարչական մարմինների և երեսփոխանների գործունեության նկատմամբ ժողովրդի վերահսկողության իրականացման հարցը: Նա ուղղակի գրում է. «Բայց ժողովուրդին գործին կուզա՞, որ երեսփոխանական ժողովը մեկ քանի մարդոց խաղալիք եղած ատեն, ինչպես այժմ, իրեն հակակշիռ գործություն (բոնթրուլ) մը չըլլա որոշակի»¹: Նա իր կրակն ուղղում է «Օրագրի» դեմ, քննադատում նրա խմբագիր Օղսեն խոճասարյանի վարքագիծը. «Քու և քեզ պեսներուն երեսեն թշվառացյալ սղոթին թափած արտասուքներուն մեջ պիտի խեղդվիս օր մը և ալ օրը հեռու չէ անշուշտ»: Խոճասարյանը մեծ ազդեցություն ունի տղետների վրա, սակայն դա երկար տևել չի կարող՝ «անոնց աչքին վրայն ալ կամաց-կամաց այդ խավարը պիտի փարատի և քիչ ատենեն ետիզ դարձած ատենդ չպիտի գտնես այն պարզամիտները, որոնց առջեն ընկած զեպի խորխորատ կտանիս այժմ»²:

Նա հարձակվում է նաև մյուս թերթերի վրա, որոնք պաշտպանում են Ստեփան Փափազյանի, Քրիստոստոյի Ղազարոսյանի, Հովհաննես Չամուրճյանի կազմած հակաժողովրդական «Ղալաթիո օճախը»³: Նրան ընդդիմախոսում է «Հայրենիք» թերթը, որը Պարոնյանի գնահատմամբ այդ օրերին «մեծ աղաներու օղկանն» էր: Փորթուգալյանը հեղինակելով պատասխանում է. «Ողջամիտ ընթերցողը կշռած են արդեն «Ասիայի» և «Հայրենիքի» մեջ եղած տարբերությունը: Նա կտեսնենք, որ միշտ հարստահարիչները կպաշտպանեն, իսկ

¹ «Ասիա—ձայն Հայաստանի», № 20, հավելված:

² Սույն տեղում:

մենք մեր զրիչն ու կարողությունը հալածյալ ու քնկճյալ ժողովուրդին նվիրած ըլլալով, հարստահարչաց երգվյալ հակառակորդ ենք և պիտի ըլլանք ընդմիջ»⁹։

Փորթուղալյանը բարձր էր գնահատում ժողովրդի ուժը և ներքին հնարավորությունները և նպատակ էր դնում արթնացնել, կյանքի կոչել ժողովրդին, նրան պիտակցել տալ իր հզորությունը, հորդորել այդ ուժը արժանապատվությունամբ և անպատակալին ձեռով օգտագործելու։ «Հուսալի՞ բան է,— դրում է նա Ազգային սահմանադրության 14-րդ տարեդարձի առթիվ հրատարակած խմբագրականում,— թե այն ժողովուրդը, որ մեծամեծ ազդեցությունց տեր ամիրաներուն դեմ ելավ, Սահմանադրական դրոշմը պարզեց, այսօր այն աստիճան թմրած ըլլա, որ Քրիստոստորի և Փափաղյանի պես շորսնոցներու դեմ չկրնար իր իրավունքը պաշտպանել։ Ազգը մեռած չէ, այլ կքնանա։ Սակայն դիշերը 12 ժամ միայն կտեսն։ Քիչ ատենեն առավոտ կծագե՞ս»¹⁰։

Անողորք է նրա քննադատությունը Սահմանադրությունը շարաշահողների, այն իրենց փառասիրական և ազդագրավ նպատակներին ծառայեցնելու ձեռնարկների նկատմամբ։ Ահա Ստեփան Փափաղյանը, որ «Զամուրճյանի հավատարիմ փոքրավորը եղած՝ Արմենակ Հայկունիի պես հայազգի փիլիսոփա մը, որ մեր դրականության փառքն է, Զոյիլյան քննադատություններով անվանարկելու աշխատեցավ... Ո՞վ չձանչնար այսչափ տարվան Զամուրճյանը. ո՞վ չդիտեր ազգը պառակտելու և ծախելու համար նորա գործած ճիզվեթությունները»։ Ո՞վ չդիտե Քրիստոստոր Ղազարոսյանին, որ Փրկչի հիվանդանոցի վարժարանի տնօրեն եղած ժամանակ այրել տվեց Թուսսոյի 12 փառակազմ հատորները. «եվ այդ դիրք այրող դահիճը դասատվություն կընե, ազգային ժողովներու ալ անդամ եղած է. ուսում պիտի տարածե ազգին մեջ, լուսավորություն պիտի սփռե եղբր դավառաց մեջ»¹¹։

Կարճ ժամանակում թերթը մեծ տարածում է գտնում, արժանանում շատերի բաջալերանքին։ Ընդառաջելով իր շքավոր ընթերցողների պահանջին, Փորթուղալյանը «Ասիան» դարձնում է օրաթերթ, հետագայում էլ «ամենուն մատչելի դարձնելու» նպատակով կիսով չափ է ժանացնում է թերթի գինը։ Ինչդ առթիվ նա դրում էր, որ ինքը իր «զրիչն ու անձը ժողովրդին» այն հասարակ կոչված և ցածրճողի զրիչներեն նախատված ժողովրդին» նվիրած լինելով՝ պատրաստ է ամեն զոհողության։ «Հարուստները և հարստահարիչները,— ավելացնում է նա,— ոսկեղեն պատեններ կկանգնեն և ողջա ետին կպատըսպարեն զինքյանս, իսկ խեղճ ժողովուրդը, բաց հրապարակի վրա մնացած, տիրապետներու և խաբեբաներու ոտից կսխան է դարձեր անխնա, զո՞ է եղբր բաղաքական և կրոնական տղրուկներու։ Ահա այդ խեղճ ու անօգնական ժողովուրդին համար պետք է խոսել ու զրել. դորա իրավունքին պաշտպանությանը նվիրած հմբ մեր զրիչը, այդ ժողովուրդին՝ որ ընդհանրապես աղքատիկ գործավորներն կբաղկանա։ Դոցա հետ է գլխավորապես, որ կուղեմք խոսիլ ամեն օր մեր թերթով, որոց, ինչպես հայտնի է, մեծ մասին համար զգալի է օրական 10 և 20 փարալի տարբերությունը»¹²։

⁹ Նույն տեղում, № 26։

¹⁰ Նույն տեղում, № 40։

¹¹ Նույն տեղում, № 52։

¹² Նույն տեղում, № 87։

Ընթերցողը, անշուշտ, նկատեց, որ խմբագիրը յուրովի կրկնում է Մ. Նալբանդյանի հավատամբը: Դա նշանակում է, որ դրական-հրապարակախոսական ասպարեզ ոտք դրած օրվանից Մ. Փորթուգալյանը զինվորագրվել է Նալբանդյանի դրոշին: Դա հավատարմության երդում է մեծ դեմոկրատ հեղափոխականի հիշատակի առաջ: Իսկ հասարակ ժողովրդին լուսավորելու նպատակով նրա կատարած նյութական զոհողությունը՝ թերթը կես զնով նրանց տրամադրելը, բացառիկ երևույթներից է մեր մամուլի պատմության մեջ:

Հատկանշական է նաև, որ պայքարի մտնելով կրոնավորության դեմ, Փորթուգալյանը հաճախ է օգտվում Մ. Նալբանդյանի ղինանոցից: Նրա բնագատությունն առարկան նույն վանեցի Պողոս վարդապետն է, որ իր շահատակությունները հասցրել է մինչև ալդ օրերը, Աղթամարի հաշատուր կաթողիկոսը, Պոլսի պատրիարք Իերսես Վարժապետյանը և նրանց մանկավիհները: Իր խմբագրականներից մեկում նա նալբանդյանական «Երկու տողի» սրությամբ ամբողջացնում է իր ժամանակի կրոնավորության պատկերը. «Կղերականությունը,— եզրակացնում է նա,— այսօր խումբ մը մարդոց երեսին դիմակ եղած է՝ ամեն շարություն, ամեն պղծություն գործելու և տակավին ժողովուրդին առաջը իբրև սուրբ մարդ ներկայանալու... մարդասպանություն՝ անել կուզես. մի փիլոն առ վրադ՝ դաշույնը տակը պահելու համար. մի վեղար անցուր գլուխդ, իհարկե, երեսդ ծածկելու համար... Գողություն՝ անել կուզես, վարդապետի երկայն ու լայն բղանցքներով զգեստ հագիր...»¹³:

Գնալով րնդգծվում է Փորթուգալյանի ղինակցությունը դեմոկրատական «Մեղու» և ապա՝ «Թատրոն» երգիծաթերթերի խմբագիր Հ. Պարոնյանի հետ: Լիբերալ և պահպանողական մամուլի, անարժան երեսփոխանների և կրոնավորների դեմ պայքարելիս նա հասարակական շարիքները հարվածում է նույն դիրքերից, երբեմն օգտագործում է Պարոնյանի սրամիտ խոսքերն ու բնորոշումները, բարձր գնահատում գրականության և լրագրական ասպարեզում նրա կատարած յուրաքանչյուր բայը: Իր թերթում նա հիացմունքով ծանուցում է. «Մեղուի խմբագիր-տնօրեն Հ. Պարոնյան Լիբնետին այս շորերշարի օր (1874 թ. մարտի 20-ին— Դ. Մ.) սկսավ «Թեաթրոն» անուն տաճկերեն թերթ մը հրատարակել: Կշնորհավորենք Պարոնյան Լիբնետին այս նոր ձեռնարկը: Զավեշտական ունի մեջ իր ունեցած հաջողությունը, դարմանալի ու ծիծաղաշարժ գտումները արդեն հայ ընթերցասիրաց մեջ ճաշակի տեր եղողներուն գովեստին արժանացած են: Քաջահույս ենք, թե տաճիկ հասարակությունն ալ հիշյալ թերթին արժանի բաջալերությունը չխնայելա»¹⁴:

Նույն ջերմությամբ ողջունել է նաև հայերեն «Թատրոն» զավեշտաթերթի երևումը: Եվ ապա իր զոհունակությունն է հայտնել, երբ արձագանքելով «Ասիայի» կոչին, Պարոնյանը ևս իջեցրել է իր թերթի դիրքը: Այդ առթիվ Փորթուգալյանը գրել է. «Թատրոնի խմբագիր Հ. Պարոնյան Լիբնետին նոր զոհողություն մ'ալ րնելով, երեկն սկսյալ (1874 թ. հունիսի 5/17-ից— Գ. Մ.) յուր թերթին դիրք 20 փարայի իջեցուցեր է, հասարակության դուրամատչելի րնելու համար: Հուսով եմք, հասարակությունն ալ Թատրոնին իր ցույց տված քաջալերը կկրկնապատկե՝ հորում արժանի է»¹⁵:

¹³ Նույն տեղում, N 108:

¹⁴ Նույն տեղում, N 20:

¹⁵ Նույն տեղում, N 15:

Բեիսյանի և Խանճյանի «Ասիայի» վրա ամենօրյա հարձակումներ գործող Պարոնյանը իր հերթին ջերմորեն ողջունեց Փորթուղալյանի մուտքը լրացրական ասպարեզ, միշտ համախոհ մնաց, բարյացակամ, նույնիսկ այն ժամանակ, երբ «Ասիան» կշտամբանքներ ուղղեց իր հասցեին:

Փորթուղալյանի բնութագիրն ամբողջացնելու համար անհրաժեշտ է շատ համառոտակի անդրադառնալ այդ տարիներին պոլսահայ մամուլին զբաղեցնող մի հարցի: Արդեն մի քանի տարի էր, որ մամուլում քննարկվում էր Ամբրոսիոս վարդապետ Իսկենտեբյանի վարքագծի հարցը: Այդ անարժան կրոնավորը գայթակղեցրել էր իր եղբոր՝ Պողոսի կնոջը: Ազգային մարմինները անուշադրության էին մատնել Պողոսի դիմումները: Վերջինի զանգատը քննել էր Բերայի ոստիկանական ատյանը, և որովհետև «իրեղեն ասպցուլցներ» չէին գտնվել, վարդապետին չէին պատժել: Դա խիստ վրդովմունք էր առաջ բերել ժողովրդի մեջ: Դեռ «Լեզուի» էջերում Պարոնյանն իր դատավճիռն էր կայացրել Ամբրոսիոսի մասին. թերթի «Ասկե անկե» բաժնում «Համբավով իմաստուն, տաղանդով իմաստակ» կծու ոտանավորով ծաղրել էր նրա անբարոյական վարքագիծը: Դրան հաջորդել էր «Պատիկ թատերգություն մը» զավեշտը. երկու երգիծական հեղինակարով նա արդեն իր հաշիվը մարբել էր Ամբրոսիոսի հետ, հետագայում միայն երբեմն-երբեմն այս կամ այն առիթով օգտագործելով, կծու, հեղնական, շանթող խոսքեր էր ուղղում նրա հասցեին: Բայց ահա «Հուշարար» ստորագրությամբ մի հոդված է երևում Պարոնյանի «Թատրոնում», որտեղ սուր քննադատության է ենթարկվում Ազգային վարչության, Կրոնական ժողովի, Պատրիարքարանի դիրքը Ամբրոսիոսի հարցի նկատմամբ: Հուշարարը պահանջում է անպայման արգարացի վճիռ տալ Պողոսի զանգատին, պատժել հանցագործ վարդապետին: Եթե ճիշտ է ազգային մարմինների հայտարարությունը, որ ոստիկանական ատյանը արգարացրել է վարդապետին և պատժել եղբորը, ապա թող այդ վճիռը տպագրվի թերթերում կամ ուղարկվի «Թատրոնի» դրասենյակը՝ Հուշարարի հասցեով, որպեսզի պարզվի նշմարտությունը, «որպեսզի նորանոր բեռներ ձեր վրա չի ծանրանան և դուր ալ արդեն ոտանձնած բեռներեդ թեթևար, ինչպես թեթևեցունել հաջողեր եր ձեր խղճմտանքը»¹⁶:

Հոդվածը զրկում է ազգային մարմիններին: Պարոնյանը հրավեր է ստանում ներկայանալ Խառն ժողովի նիստին և բացատրություն տալ հիշյալ հոդվածի առթիվ: Երգիծաբանը պատասխանում է հեղանքով. «Զբաղված ըլլալնուս պատճառով՝ պատասխաննիս ներկայացալ Պատրիարքարան, խնդրելով, որ ժողովը ուրիշ օր մը որոշե և ին պատրաստ ենք անձամբ պատասխանելու»¹⁷: Չնայած այս պատասխանի ինքնավստահ շեշտին, թերթի հաջորդ համարներին մեկում լույս է տեսնում Պարոնյանի «հետս կոչումը»՝ ներքումը. «Ասկեց մեկ երկու շաբաթ առաջ Թատրոնի մեջ Հուշարար ստորագրությամբ հրատարակված հոդվածի մը դեմ Ամբրոսիոս վարդապետին Ազգ. վարչության բողոքագիրը մատուցած և Խառն ժողովն ներկայանալու համար մեղի հրավերը դրկած ըլլալն ասկեց առաջ ծանուցած էինք: Հավատարիմ անձերե առած տեղեկություններուս նայելով՝ Արժ. Ամբրոսիոս վարդապետն իւր եղբոր հետ ունեցած պատվո դատին մեջ անմեղ ելած և պետր

16 «Թատրոն» երգիծաթերթ, 1874, N 15:

17 Նույն տետում, N 17:

եղած իլամն (անմեղությունը հաստատող վճռադիրը — Դ. Մ.) ալ առած է, բայց Կրոն. ժողովն ինչ-ինչ պատճառներու համար հիշյալ իլամին հրատարակությունը արգիլել է: Եվ որովհետև Հուշարարը իլամին դոյությանը վրա կկասկածեր, և հիմա բանի որ մեր կես սլաշտոնական կերպով քաղված տեղեկություններն իլամին դոյությունը կհաստատեն, արդարասիրությունը կհարկադրե մեզ այս տողերը հրատարակել ի բժշկություն Արժ. Ամբրոսիոս վարդապետին վրա գայթակղյալ միտքերուն»¹⁸: Սա արդեն նահանջ էր: Այդ օրերին Հ. Պարոնյանը ձևակատում էր Պատրիարքարանի դեմ նար-Պեյի կողմից թուլյատրված մեկից ավելի ապօրինի ամուսնությունների առթիվ: Կարելի է մտածել, որ նա թերևս հեռանում էր մի ձևակառուցման մյուսը դորացնելու համար:

Ասպարեզի վրա մենակ է մնում «Ասիան», որը սակայն շարունակում է հետապնդել Ամբրոսիոսի խնդիրը: Փորթուգալյանը, որ մինչ այդ գրել էր մի շարք մերկացնող հոդվածներ, այժմ գրում է ավելի կրքով, ավելի մանրակրկիտ: Պարոնյանի «հետս կոչումը» տպագրվելուց հետո նա հայտարարում է, որ Լիբ Կրոնական ժողովը հրաժարվում է հրատարակել իլամը, ուրեմն այն պարունակում է կետեր, որ անհնար է հրատարակել, ուստի վարդապետի մասին եղած կասկածը «առավել կառավելու»։ «այս պատև պատ դարձվածներեն հայտնի կտեսնվի, թե այս խնդրույն մեջ զաղտնի նենգություն մը և զավադրություն մը կա»¹⁹: Կրոնական ժողովը «իր էսնաֆի կեղտերը փեշով ծածկելու» է ձգտում: Կրոնական ժողովը իր վարմունքով իրավունք է տալիս մտածելու, որ կրոնավորի համար թուլյատրելի է ամեն անբարոյականություն. «Շնություն անել կուզես, մի տնտնար, շուտ վարդապետ եղիր. վասնզի խալբախիդ շնորհիվ հոգևոր զավակներ կունենաս, զորս երբեմն-երբեմն երթալ մխիթարելը քու նվիրական պարտքդ կլինի»²⁰:

Այստեղ է, որ «Ասիան» առաջին անգամ իր կշտամբանքի խոսքն է ուղղում Պարոնյանին, որը չի տեսել այդ իլամը, այլ «արժանահավատ մարդոցմե լսելով, հավատացած և գրած է», որ նա «սլարդամիտ է գտնվել Կրոն. ժողով» մանովրեներն խաբվելով»:

«Ասիան» շահում է բարոյական հաղթանակ, բայց մեծագույն ղոհողության գնով: Նա ապացուցում է Ամբրոսիոսի հանցադործությունը հայ եկեղեցու և օսմանյան օրենքի առաջ: Սակայն նրա հակառակորդները գտնում են Փորթուգալյանին պատժելու միջոցը. նրան հայտարարում են Պատրիարքարանի դեմ բինախնդրությամբ լցված, ժողովրդին խոսվարարության զրգոող անձնավորություն, որ վտանգավոր է նաև պետության համար: Այս ձևով խմբագրված պատրիարքական բողոքագրի համաձայն տպագրական տեսչությունը խափանում է թերթը: Նույն օրը խափանվում է նաև Պարոնյանի «Թատրոնը»:

«Ասիա» թերթի վերջին՝ 140-րդ համարը, լույս է տեսնում միայն տպագրական տեսչության հրամանի և խմբագրի «Հուսկ բանրի» տպագրությամբ: Այդ «Հուսկ բանրը» գալիս է ամբողջացնելու թերթի գնահատականը: Փորթուգալյանը գրում է, որ կրոնավորները «սրունքնին հանգրիճած այսր-անգր

¹⁸ Նույն տեղում, № 20:

¹⁹ «Ասիա», 1874. № 58:

²⁰ Նույն տեղում, № 129:

կվալերին իրեն պատժելու և իրենց անրարության բարեկամին» սլաշտպանելու համար: Եւ այդ անգոր պտնվելով բաց մարտում իրեն վնասել՝ դիմեցին մատնություն: Պատրիարքը արիություն չունեցավ իրեն դատի հանձնելու, որովհետեւ վախեցավ նոր մերկացումներից, ուստի զաղտագողի «թագրիր» գրելով, դավեց իր դեմ: Մակայն «լրագիրը ժողովուրդի ձայնին արձագանքն է և լրագիր խափանել՝ ժողովուրդին ձայնը խեղդել կնշանակե», այդ պատճառով էլ Ներսեսի պատրիարքության շրջանը պատմության մեջ պիտի արձանագրվի այս խոսքերով՝ «Ներսես պատրիարք՝ իշնամի տպագրական ազատության և սլաշտպան խայտառակ թերթերին... Մեր նշմարտությունը խոսեցանք և զո՞հ եղանք... ավելի կսիրեմ, որ Փորթուգալյան անուն մի խմբագիր չհիշվի, բան թե հիշվի, որ ժողովուրդին իրավունքը Վարչության ծախելով, այս ու այն անձը կշողորթի իր սպիտակ ասլի»:

Անընկճելի էր Փորթուգալյանը. նա իր վերջին խոսքն ասում է հեզնանքով, սարկաստիկ խոսքերով դատավճիռ կարդում իր հակառակորդներին. «Փառավորվե՛, Ներսես՝ սրբազան, փառավորվե՛ Ազգ. Վարչություն, թող «Ասիան» դադրի, վասն զի յուր եկեղեցիին պատկերին նախանձախնդիր՝ Ամբրոսիոսի պես մի կղերականի դեմ գրեց, Ամբրոսիոսի՝ որ յուր եղբայրին կինին հետ շնություն անել կհանդգնի և այդ պղծությունին մեջ թախսված ձեռնեցով ս. պատարագ կմատուցանե... Փառավորվե՛, Ներսես՝ սրբազան, փառավորվե՛ Ազգային Վարչություն, թող «Ասիան» դադրի, վասն զի Սահմանադրության մահը և ամիրայասպետության կանգնումը գուժեց...»:

Ամբրոսիոսի դործի առթիվ Փորթուգալյանի ելույթների արգարացությունը հաստատեց նաև «Մասիսը»: Կ. Յությունձյանը մոռացավ նույն հարցի վերաբերյալ իր բռնած դիրքի նկատմամբ Փորթուգալյանի կծու հեզնանքները և, ըստ սովորականի դիվանագիտություն բանեցնելով հանդերձ՝ իր անհամաձայնությունն ու դժգոհությունը հայտնեց Պատրիարքարանի վարմունքից:

Պարոնյանը ևս մոռացավ իր նկատմամբ «Ասիայի» կամիթները, բարձր գնահատեց Փորթուգալյանի ասպետական կեցվածքը և սկզբունքայնությունը, նշավակեց Ներսես պատրիարքի ընթացքը: Տարիներ հետո «Լույս» պարբերականում գետեղեց պատրիարքի երգիծական դիմանկարը, որ եզրափակեց այսպես. «Արքայան պատրիարքը իրեն իշնամի նկատելով դադրել տվավ «Թատրոնը», որ հանդգնած էր նորին սրբազնության մեկ շրջաբերականը հարվածել. այսպես խափանել տվավ «Ասիան», որ կրոնավորի մը անբարոյականությունը կձաղկեր»²¹:

«Ասիայի» խափանումը բացասական ազդեցություն ունեցավ պատրիարքի հեղինակության վրա. նա կողմնակի ճանապարհներով իմացրեց Փորթուգալյանին, որ ձեռնադրեց Ներսես խնդրի Կրոնական ժողովից և վերականգնի թերթը, բայց մերժում ստացավ: Փորթուգալյանը հայտարարեց. «Լավագույն կհամարիմ գրիչս կոտրել մեկդի նետել, բան թե շարունակել գրել շողորթության մեջ զայն թախսելով»²²:

21 Հ. Պարոնյան, Իրեր, հատ. 2, էջ 222:

22 «Թառառուն տարվա աշխատավորը» (ժողովածու), Կ. Պոլիս, 1914, էջ 14 (Տիգրան Զոհյուրյանի հոդվածը):

Մկրտիչ Փորթուղալյանը իր «Ասիա—ձայն Հայաստանի» թերթով եկավ շարունակելու և զորացնելու Հ. Սվաճյանի «Մեղուով» սկսված և Հ. Պարոնյանի «Թատրոնով» շարունակվող հայ դեմոկրատական մամուլի առաջավոր ավանդները։ Չնայած իր կարճատև գոյությանը, այն բավական նշանակալից հետք թողեց հասարակական կյանքում և մամուլի պատմության մեջ։

КОНСТАНТИНОПОЛЬСКАЯ ГАЗЕТА «АСИЯ»

Г. А. МАДОЯН

(Резюме)

В истории армянской периодики почетное место принадлежит газете «Асия—Голос Армении», основанной сто лет назад в Константинополе под редакцией Мкртича Португальяна.

Газета имела демократическое направление. Отражая интересы народных масс, «Асия» выступала против антинародных действий армянского духовенства, реакционной печати и высокопоставленных лиц, за что, на основании жалоб константинопольских духовных властей, была закрыта турецкой цензурой.